

Na osnovu člana člana 57. prečišćenog teksta Statuta Općine Ilijaš ("Sl. novine Kantona Sarajevo", br.20/09), Općinski načelnik d o n o s i :

## **P R A V I L N I K**

### **O JEDINSTVENIM KRITERIJIMA I POSTUPKU IZBORA VOLONTERA VII STEPENA STRUČNE SPREME U OPĆINI ILIJAŠ**

#### **I. OSNOVNE ODREDBE**

##### **Član 1.**

Ovim Pravilnikom utvrđuju se jedinstveni kriteriji i postupak izbora i prijema volontera u organ državne službe Općine Ilijaš, bez zasnivanja radnog odnosa (volonterski rad).

##### **Član 2.**

Pod volonterom u smislu ovog Pravilnika podrazumijeva se lice koje poslije završene škole VII stepena stručne spreme, odnosno visokog obrazovanja prvog (180 ETCS bodova) ili drugog ciklusa Bolonjskog sistema obrazovanja tražene struke (240 ili više ETCS bodova) bez radnog iskustva i prvi put se stručno osposobljava za samostalan rad u organu državne službe.

Volonter mora biti prijavljen na Biro za zapošljavanje

##### **Član 3.**

Javni poziv za izbor i prijem volontera u organ državne službe raspisuje Općinski Načelnik i sadrži:

- a) naznaku da se radi o izboru i prijemu volontera,
  - b) naziv i sjedište organa,
  - c) predviđene uslove,
  - d) vrstu stručne spreme,
  - e) napomenu da se nezasniva radni odnos, nego de se prima na stručno osposobljavanje,
  - f) spisak potrebnih dokumenata kojima se dokazuje ispunjavanje uslova javnog poziva,
  - g) rok za podnošenje prijava, mjesto i način dostavljanja.
- Javni poziv se objavljuje na oglasnoj ploči i zvaničnoj Web stranici općine Ilijaš.

#### **II. KRITERIJI ZA IZBOR VOLONTERA**

##### **Član 4.**

Odabir volontera vrši se na osnovu sledećih kriterija:

1. trajanja nezaposlenosti nakon sticanja diplome VII stepena stručne spreme odnosno visokog obrazovanja prvog (180 ETCS bodova) ili drugog ciklusa Bolonjskog sistema obrazovanja tražene struke (240 ili više ETCS bodova) ( uvjerenje sa Biro za zapošljavanje Ilijaš ili uvjerenje sa Biro za zapošljavanje drugih općina)
2. prosječna ocjena,
3. lice bez jednog ili oba roditelja
4. invalidnosti
5. intervjua.

Svi kandidati koji dostave potpunu dokumentaciju bit će pozvani da pristupe intervjuu.

#### Član 5.

Za trajanje nezaposlenosti nakon završetka škole prema evidenciji nadležne službe za zapošljavanje, dodjeljuje se sledeći broj bodova:

- do jedne godine ..... 3 bodova
- od jedne do dvije godine..... 5 bodova
- od dvije do tri godine..... 7 bodova
- preko tri godine..... 10 bodova
- uvjerenje sa Biro za zapošljavanje Ilijaš.....10 bodova

#### Član 6.

Za prosjek ocjena dodjeljuje se slijedeći broj bodova:

- kod sistema ocjenjivanja od "5" do "10" za ocjenu "9" i više dodjeljuje se...10 bod.
- Za ocjenu "8" i više dodjeljuje se ..... 7 bod.
- Za ocjenu "7" i više dodjeljuje se ..... 5 bod.
- Za ocjenu "6" i više dodjeljuje se..... 3 bod.
- kod sistema ocjenjivanja "1" do "5" za ocjenu "5" dodjeljuje se ..... 10 bod.
- Za ocjenu "4" i više dodjeljuje se ..... 7 bod.
- Za ocjenu "3" i više dodjeljuje se ..... 5 bod.
- Za ocjenu "2" i više dodjeljuje se..... 3 bod.

#### Član 7.

Ako je kandidat lice bez jednog roditelja dodjeljuje se..... 5 bodova.

Ako je kandidat lice bez oba roditelja dodjeljuje se..... 10 bodova.

#### Član 8.

Ako je kandidat invalidno lice dodjeljuje se..... 5 bod

#### Član 9.

Po osnovu intervjua kandidatu se dodjeljuje ..... 1-10 b

### **III. POSTUPAK ODABIRA VOLONTERA**

#### **Član 10.**

Općinski načelnik će formirati Komisiju za provođenje Javnog poziva za prijem volontera u Općinu Ilijaš (u daljem tekstu: Komisija) u sastavu predsjednik i četiri člana, koja će provesti postupak izbora i bodovanja volontera.

Postupak izbora prijavljenih kandidata, koji ispunjavaju uvjete iz Javnog poziva za prijem volontera u Općinu Ilijaš (u daljem tekstu: Javni poziv) izvršit će se na osnovu bodovanja kandidata

Komisija iz stava 1. ovog člana utvrđuje pitanja sat vremena prije obavljanja intervjua sa kandidatima.

Svaki član Komisije pojedinačno ocjenjuje kandidate brojem bodova od jedan do deset. Konačnu ocjenu na intervjuu čini zbir bodova datih od strane svakog člana komisije podijeljen sa brojem članova komisije.

#### **Član 11.**

Komisija razmatra prijave i utvrđuje redoslijed kandidata u skladu sa rezultatom koji se utvrdi dodjelom bodova prema kriterijima iz člana 5. do 9. ovog Pravilnika. Nepotpune i neblagovremene prijave, kao i prijave kandidata koji ne ispunjavaju uslove javnog poziva, komisija neće uzeti u razmatranje.

#### **Član 12.**

Predsjedavajući komisije dostavlja listu kandidata / bodovnu listu/ iz člana 1. stav 1, ovog Pravilnika, općinskom Načelniku.

Odluku o izboru volontera donosi Općinski Načelnik a na osnovu kriterija utvrđenih ovim Pravilnikom, odnosno bodovne liste urađene na osnovu kriterija utvrđenih ovim Pravilnikom.

Za volontera se odabire kandidat sa najvećim brojem bodova.

Ukoliko dva ili više kandidata imaju isti broj bodova prednost ima kandidat koji je je ostvario više bodova po prvom ili po sljedećem kriteriju.

#### **Član 13.**

Bodovna lista se oglašava na oglasnoj ploči i Web stranici Općine.

Sa izabranim kandidatima, zaključiti će se ugovor o radu bez zasnivanja radnog odnosa (volonterskom radu).

#### **Član 14.**

Kandidati čije prijave nisu razmatrane zato što su neblagovremene, nepotpune ili koji ne ispunjavaju uslove poziva, odnosno koji smatraju da postupak odabira nije izvršen u skladu sa kriterijima iz ovog Pravilnika, mogu u roku od 8 dana od dana oglašavanja bodovne liste na oglasnoj ploči i Web stranici Općine, izjaviti prigovor Općinskom načelniku koji donosi konačnu odluku.

#### **Član 15.**

Zbog povećanog priliva kandidata na biro za zapošljavanje, hitne potrebe za angažovanjem volontera ili zbog drugog opravdanog razloga može se izvršiti izbor i sklopiti ugovor sa volonterom po skraćenom postupku bez raspisivanja Javnog poziva za prijem volontera u Općini Ilijaš uz predhodno definisani zahtjev rukovodioca službi čiju opravdanost cijeni Općinski načelnik.

#### **IV. PRELAZNE I ZAVRŠNE ODREDBE**

##### **Član 16.**

Ovaj Pravilnik stupa na snagu narednog dana od dana donošenja i bit će objavljen na službenoj internet stranici Općine Ilijaš i oglasnoj ploči.

Broj:01/2-34-1727/18  
Ilijaš, 24.07.2018.godine

Općinski načelnik  
[Redacted Signature]  
AKI Fazlić, dipl ecc

